

悔

翁

詩

鈔

悔翁詩鈔十

江甯汪士鐸

懷江緝安同年

昔年獻賦大明宮江左才名二寶同  
貰酒旗亭爭畫壁回車書劒逐飛蓬  
臥餘司馬供多病愁絕虞卿不諱窮  
我更勞薪倦奔走敝裘留滯運河東

聞湯雨生都督七旬外生子詩以賀之

喜聞白髮誕旗鈴瓊樹新枝茁謝庭書誤弄璋喧客邸  
法傳餐玉記仙經筵開湯餅知英物家有封胡定甯馨  
自笑商瞿今五十紬書獨對一燈青

丙午九月倣西昆體記事

豈有蘼蕪夢裏春無端古井浪粼粼湘裊前後香歸水  
玉虎牽回轆帶塵得意山雞曾妬影惱人仙繭誤纏身  
誰憐寂寞荒臺賦竟遣冤禽作比鄰

題湯雨生琴隱話別圖

支離松竹映朱殷上將旌旗駐此閒異日鱣鯢應築觀  
早年猿鶴勸還山論交冠蓋琴書契投老江湖鬢髮斑  
茅屋一樽勤話別雲臺不及釣臺閒

戲題門神

冠佩雍容面目真莫因執鉞謂刑神欲尋相國門前士  
暫寄高賢廡下身平日重閭嚴虎豹異時傑閣畫麒麟  
春來一拂思歸去却爲丹青想替人

追憶已酉

彷彿回廊小坐深一庭空翠溼羅襟屏圍矮閣燈前酒  
簾卷虛堂月下琴十載萍踪完趙璧數行蘭訊比秦金  
客中夜雨郎當甚無限波瀾古井心

感興

鏡裏桃花帶霧看仙盟才結忽先寒境疑蜀棧連秦棧  
人奈湯官與服官况值招魂孤鶴倦欲回遭命萬牛難  
劇憐梅子黃時雨揀盡寒枝恨萬端

五六句余  
書以爲聯

維舟觀音門夜望

落木蕭疎冷翠深一樽相對但開吟江聲撼閣疑風雨  
月色照人成古今屏上吳山雲外寺燈前楚客酒邊琴

詩十  
柴門南望鄉思切况復前村急暮砧

南沙河有感

春明幾度駐征輶水淺沙平接石橋楊柳驛亭風裡笛  
杏花庭院日中簫求官夢醒雲同冷題壁年深墨欲消  
把鏡自慙雙鬢雪長途不放馬蹄驕

用前韻呈清石師

一代龍門喜蚤登公堂無事冷於冰琴餘坐月招飛鶴  
雪霽尋梅對梵僧異地賓朋三雅酒後堂詩賦九枝燈  
困鱗久臥滄江晚尙祝春雷送踏騰

荅平

騾車歷鹿碾沙平小憩征塵雨乍晴滿院弦歌喧晚驛

一隄楊柳抱春城  
河干地控礪礪成隴  
上人耕鼓角聲  
亦有賓王在  
徒步常何不見涕縱橫

無題

靜鎖朱門綠樹陰  
隔簾不許一塵侵  
屏圍山翠餘紅葉  
風送蘭香雜素琴  
秦苑孤鸞雲易散  
吳江雙鯉信俱沈  
白憐錦瑟年華老  
繞徧回廊祇暗吟

己酉

荼蘼香裏院門扃  
燕子初驚曉夢醒  
綺閣春開吳苑翠  
畫屏晝掩楚山青  
雪猊巧撲花閒蝶  
嬰武閒梳架上翎  
捲起重簾無一事  
手薰薇露寫心經

改本戊申

雜鈔諸作宜分今昔觀之

華堂十丈繡璫瑜  
左右商彝與魯壺  
畫裏樓臺人是玉

花前賓客履皆珠，燈紅照室迷胡蝶。眉翠當筵唱鷓鴣，  
直待酒醒人散後，蘅蕪不采采薜蘿。記事

卜罷刀環病擁鬟，身無雙翼限重關。牽蘿婢返珠難賣，  
服藥時多帶易寬。臺下雨香雲冉冉，帷中燈彩步珊珊。  
銀河隔斷巫陽恨，紅蠟臨風淚不乾。悼亡

營前萬馬夜崩騰，上將宵然武帳燈。桂管紅旗擒鬼卒，  
松山黃帽走番僧。亞夫勝算江西防堵，由堅壁張奐威名在。

飲冰辛苦

至尊南顧意麒麟，高閣待人登。欣閱邸抄

嶺嶠盤紆踞上游，潢池無故弄戈矛。盧循已中南津箭，  
劉毅宜迴峽口舟。漢將功銘銅柱壯，越人業託雒田浮。

炎荒今日需廉吏寄語貪泉莫更流

同上

十上秦書筆彩騰知君不負短檠燈環肥燕瘦同搖佩  
何肉周妻那是僧官舍琴樽人中酒春風桃李鑑懸冰  
文通才盡甘焚硯韻集終須讓李登

贈劉香南

何事驂鸞忽上騰閉門雁足黯長燈采蘭水暖難湔病  
賣藥錢餘爲飯僧社日鶯花春是夢良宵衾簟夜如冰  
漢宮不見蘅蕪草阿閣三重總嬾登

悼亡

雪晴地氣喜初騰誰奉金錢供買燈煮茗誤驚松外鶴  
攜琴閒訪竹間僧河干垂柳才拖綫湖上游魚已陟冰  
偶向彭城稽左氏欲援勝母惡華登

春初

輓林文忠



海上歸來宦橐空負戈萬里復從戎  
玉關田賦三司外金齒功名百戰中  
畢竟蒼生思謝傅果然天子用溫公  
大星一墜英雄恨五管烽烟照嶺紅

詠史

錦帆銜尾過鄱湖卽日筵前唱鷓鴣  
見說廉頗還戀趙可憐孫武竟歸吳  
徒薪爛額功先後薏苡明珠事有無  
往日虞翻嫌不媚一般蕭瑟負髯奴

和劉香南酬史慕韓詩

飛書羽檄正紛騰票炬宵然武帳燈  
南國方馳致師使西堂偶遇打包僧  
已從結夏長揮麈何事防秋更打冰  
五字堅城自劉氏將壇雖掃有誰登

已解重圍出白登  
兢兢虎尾與春冰  
運籌自熟帷中算  
偏袒休猜方外僧  
祇自操戈起同室  
伊誰草檄更挑燈  
劉郎已作降王長  
士馬何妨正飽騰

庚戌九月十月道中雜詩寄李楚珍蔣文若兩同年

榛莽蒙戎護菟裘  
幸存貞石記春秋  
異時有穴容狐兔  
他族於風究馬牛  
秦趙祖雖同柏翳  
六舒國莫祀皋繇  
登高一灑雍門泣  
敢計公羊九世仇

修墓

松柏翳陰隔墓門  
全家骨肉一坏存  
定憐奔走緣貧賤  
漫問蒸嘗到子孫  
收拾殘棋猶有劫  
驚呼噩夢欲招魂  
勞薪莫盡廳蓬恨  
誓墓風高不敢論

拜墓有感

許陪羣彥坐文壇更賜王喬藥一丸鹽鐵肯容文學論  
琴書累借小儒看喜傳肘後懸金印驚聽雲中降玉棺  
斗酒隻雞無處奠雨花落木暮雲寒

過揚州哭童  
石塘都轉

倉父吳兒共一艖曉晴襖被出篷牕東瞻滄海魚千里  
北控中原鳥六雙同是虛名如北斗忽傳稱貸必西江  
臣饑欲死侏儒飽編貝懸河却未降

清江  
有感

偶偕倉客渡淮來津吏聲喧越閭開野戍驚寒催鼓角  
長河向晚作風雷朱門久輟申公醴白髮虛思郭隗臺  
多謝憐才嚴僕射節樓深夜爲傳杯

赴清江謁楊  
至堂河帥

楚歌聲裏氣蒼涼謁過關官上呂梁掛劒非無吳季子  
愛詩却少楚元王濁河帶束嚴城紫芒碭雲連大澤黃

回首故鄉同泣下北風吹雪滿征裳

徐州

莽莽平沙護故城荒榛茅屋正春耕長隄南障江淮遠  
廢堞東傾汴泗橫亂世賢人眞跡晦乘時孺子大功成  
却嫌黃綺猶多事偏遣朝廷識姓名

過舊邳州懷黃石公

水兵三五倚長篙猶說巡洋覩戰袍萬里牂牁歸路遠  
五年淮海治功高官階不肯徇當軸宰輔何嘗果贈刀

老去任安正蕭瑟題襟苦憶荷嘉褒

過揚州懷但雲湖都轉

弱女呼耶掩涕紅何堪阮籍正途窮巢枝越鳥嚴冬候  
繞樹飛鳥朗月中淮海十年雙鬢老江河兩戒一舟通  
師恩友誼俱無補寂寂眞教誤乃公

赴徐州

傳言明發下揚州扶病三更補敝裘垂老悔移磐石誓

頻年每作御溝流生無簪珥傳遺愛死念藁砧尙遠遊

孔雀南飛兔西顧爲君俯仰總離憂

哭亡婦

醫工藥物日紛然婦病呻吟夜不眠戀繭僵蠶難吐緒

驚弓倦鳥更聞弦一錢莫措長沙庫百畝誰謀好時田

獨理殘編向燈立差強人意有青氍

九月索居有感

重鎮東南控海隅盈盈羣彥府中趨水衡算析田兼賦

城旦書分墨與朱出納觚籌秦計相公私筆札魏元瑜

衰翁也入翹材館布韞青鞋只濫竽

呈徐州幕府同事

奇博文章絕世才清時不遇更堪哀王侯難識高賢迹

妻子同驚鬼伯催當戶生男期貴妾蘇韶歸夢仗中臺

回思燕市悲歌客誰向橋公墓下來

哭張石舟

五年負米涉滌波返櫬翻勞母氏過八月三臺迎素旄  
一棺千里隔黃河伶仃弟妹南中苦飄泊琴書鄴下多  
愛女昨傳君孝行寒燈冷雨爲滂沱

哭長婿卒於彰德

百里長才八尺軀纔趨省闕卽分符專城早被三司重  
廉吏親聞萬井呼絮酒於今悲下馬楹書早日佚遊鳬  
激南漳北經行處往日棠陰尙有無

哭陳純齋

扶風豪士賦南旋傳說貲郎得美遷縱飲咸陽曾十日  
呻吟裘氏只三年旁妻半娶縫裳伎上客皆收博進錢  
雞鹿塞南風雪甚爲君北望一潸然

扶風

寒儒心迹玉壺冰老去渾如退院僧異姓本同寅與射  
立孫亦等莒於鄆

注不望獺之祭魚亦不爲羊之乳鹿也

爲巢方幸鷦鷯

易類我難期負版能閒理琴書還太息只憑孀女作傳

燈

答家天錫大弟

北構陳豨事縱虛藏弓烹狗渺愁予羞隨絳灌同齊伍  
宜與英彭共剪除下澤春晴多鹿豕清淮秋冷足蝦魚  
真人猶動鄉關戀悔不先偕漂母居

過淮陰釣臺

誰曾海上訪安期忽認庭蘭作導師漢使法冠裁獬豸  
秦臺明鏡燭蛟螭獄成

爲文孔修師也

羣校悲于吉書奏諸公

惡左慈獨惜留侯思辟穀秋風請室瘦難支

羊裘已敝敢云豪尙費閨人補綴勞愛士祇今誰適館  
論才於古戒吹毛上書函谷金將盡垂釣桐江節始高  
昨向邗溝得雙鯉歲終有客贈綈袍

敝裘有感文若同年

盜無斗米柳無衣交謫聲高賦式微幾日嘉賓方入幕

九原溫序痛思歸參苓北地多何補文酒南皮事究非

揚子橋邊頻問訊悽然同病各依依

哭朱梧生  
卒於直隸

作字無心久倦飛蕭然隻影舊儔稀已隨別鶴翻琴調

欲逐沙軀上釣磯日暮亦知雲水遠天寒敢戀稻粱肥

河干綰繖何須設與爾春來共早歸

黃河灘上見  
孤雁有感

剡藤三尺散輕烟竹樹蒼茫一塔懸初地鼓鐘開渭汭

上方樓閣壓秦川經幢撞浪黃河箭竇坐噴雲太華蓮

我望潼關欲西笑臥遊不爲戒公禪

和人華州  
壽佛寺圖

十年鍛翮不飛騰同翦彭城雪夜燈氣盛尙如持法吏

心灰俱是罷參僧雷陳契後膠投漆廉藺交初炭與冰



異日嵇康倘疎懶定來山下訪孫登

贈劉書田廣文

### 行隴上憶魏默深刺史

四山過雨翠參天閒話班荆廢隴前  
新鬼啾啾無輔嗣故人卓卓憶橋元  
賚桓頌紀三宗盛山海經教萬國傳  
遙識九原遺恨在不而罕史

元史未親編

### 望齊雲山未至

迢遙樵徑上孤岑仰眺山門欲墜簷  
絕頂樓臺疑蜃氣就中鐘磬雜龍吟  
老僧采藥青松合游子題名碧蘚侵  
此是祁昌最高處却因風雨阻登臨

### 懷吳中友人

滿地干戈想未歸瑯琊春柳已成園  
來鴻去雁三年隔

高岸深陵百事非驛路夢迷吳苑樹鄉書淚灑漢臣衣  
漫誇壺子談微中相見當時杜德機

王蔭庭席上

哀歌斫地語蒼涼能爲羈人礪劒鋌老子韓非竟同傳  
廉頗李牧未嘗忘閭閻同患楚氛惡父老猶思漢臘長  
此夕不辭村酒醕去家四十卽他鄉

歧途

歧途相見各酸辛骨肉流亡道上塵除却信陵難救趙  
勝保空煩賈誼論過秦鳴桴傳柝此閒俗流水桃花何處  
津屈指與君輸故友要離冢畔幾多人

五更亡命走荒坡窮士蘆中側弁俄毀服相看吳髮短

摸金終是楚咻多他鄉異縣同桃梗愛女嬌兒痛薤歌  
縱有賓王在徒步將軍無處覓常何

徙陶巷

一陂春水綠平隄避地陶家後渚西風破紙窗春舉燭  
烟昏土銼午蒸藜輶軻吾道真芻狗俯仰前修媿木雞  
萬事蕭然聊復爾無如尙有敬通妻

黃樓

岑樓百尺俯晴空繫馬長隄接若虹已兆河行隋帝瀆  
可眞材取憤王宮聲喧尊俎春颿白影射罽毼曉日紅  
樓在城東八百年來尋舊跡客懷都付苦吟中

放鶴亭

雲龍山氣接城闌山上閒亭碧草春想見好文賢太守  
來看放鶴老仙人成虧漫到籠中物得喪全消世外塵  
飽飯安眠無一事不知閭左走朱輪

燕子樓

舞裙歌扇鎮凝塵明鏡難描夢裏顰自有容顏報知己  
肯將歌舞悅新人黃金不惜生前價碧玉俱完死後身  
滿眼白楊總蕭瑟尙書墓草定生春

呂梁山

童山迤邐逼河津巨石嵯峨泗水濱誰鑿龍門通險阻  
欲尋雕羽見精神川原搖落悲詞客波浪翻騰想丈人  
今日二洪成坦道破帆東下接江春

言一  
戲馬臺

居巢骸骨草蒙茸何處驂騑可再逢  
五載中原人逐鹿一朝灞上氣成龍  
周親屬籍編劉氏上將功名付漢封  
老驥不留留驚下烏騅徒躍鼓寥寥

桓山

礧炭縱橫草正肥當年司馬想魂歸  
斷刑猶覺桐棺厚弔古翻嫌石槨微  
一代世家誰血食千秋介弟託儒衣  
墓前欲取雷琴鼓華表欹烟鶴不飛

子房山

三傑宗功漢將壇雞鳴曲罷曙光寒  
歌聲四面皆成楚仇氣千秋爲報韓  
進履人嫌黃石少從遊我道赤松難

驅車欲覓前賢跡亂石高低細草殘

利國監

紫翠山光遠近鋪西風驛道過微湖舟車何日停騶卒  
鹽鐵終年議大夫幸罷鑪錘紆國課有誰團練作公徒  
愚民自古徐方悍終恐煩君問僕區

微子墓

一抔荒草碧初抽嗚咽遙聽泗水流太史惟知爭嫡庶  
宗祊從此易商周桃林曉射周京日麥秀寒分薄社秋  
湯墓却愁無覓處可憐白鷺共沈浮

彭祖樓

一片榛蕪閣久傾其傳道氣繼容成漫談綵女長生術

誰比尼山好古情  
命與殤齊偏懼井  
國緣世及那斟羹  
時賢不悟虞初志  
畫角哀笳訪故城

龔勝宅

高人田宅剩蒼苔  
雲氣荒寒暗不開  
故國久安龍德隱  
清時猶恐鶴書來  
餘生尙爲浮名累  
一死翻增老友哀  
滿目亂鴉知擇木  
有誰弔古剪蒿萊

亞夫冢

遺冢巍然汲水前  
行人自說亞夫賢  
沈機旣未知英主  
奇計何難蘊暮年  
六國衣冠雖奉朔  
三秦圭璧詎朝天  
韓彭豨綰紛林立  
玉玦尊前亦枉然

不寐

天賦窮愁劒漫彈不分蕭艾與芳蘭  
閉門始信讀書樂閱世深知行路難  
收拾殘棊隨去住吹咀上藥雜辛酸  
生平尤悔知無及歆枕無眠耐曉寒

惜陰書舍謁陶桓公像

宗臣遺像肅冠纓傑閣凌空俯石城  
沔上立祠思葛亮江干祖述有泉明  
弦歌新啟經生業戈戟猶思義旅營  
嗚咽博山山水當年曾聽鼓鼙聲

縫裘

敝裘季子漫沉吟卅載相依歲月深  
補闕聊存司直意改爲終抱禮賢心  
負薪樵徑人將老垂釣桐江雪不侵  
卻笑胭脂坡上客紫裘金爵酒頻斟



曝日

綈袍誰與寄殷勤負曝茅檐至夕曛  
岷岵年高原愛日江湖歲晚不忘君  
鞠躬漫對林閒雪翹首偏憎嶺外雲  
獨念海濱諸父老幾家黃襖歎離羣

悔翁詩鈔十

終

後學

江甯方培容  
合肥張士瑜

校字

悔翁詩鈔十一

江甯汪士鐸

辛亥八月移寓唐氏小圃見堂前疎柳三株黯然

有感用漁洋韻

搖落深悲楚客魂書堂塵冷薜蘿門瘦成人字移衣帶  
望斷侯封剩淚痕對鏡自憐餘黛影飛花曾喜託江村  
曉風漫憶雙鬟唱張緒颼零不可論

五上春官

驚寒嬰武報秋霜濯濯依然伴小塘

時隨同事方小雲毛彥人寓

待

月樓高涼舞袖緝書人老蠹巾箱

余無子

穿楊往日無餘

子飛絮前因懺法王無限低徊欲髡首漫疑腸斷碧雞坊

蕭條無復染春衣

時絕意  
禮闈

自恨依依往事非  
汴水波微

歸櫂早

將以月底  
由河入淮

灞橋秋冷故人稀

至袁浦同事  
皆各散去

空憐

老馬攀枝繫誰伴  
寒蟬翳葉飛

時以教讀  
故不能散

羞向西風舞

長袖腰支雖好與時違

時生徒不  
甚相洽也

顧影迎風祇自憐  
家山鍛竈已無烟  
鄉心縱醉前村笛

故態猶思遠道綿

以貧故恐明  
年猶不家食

種樹歲華嗟老境  
渡江

消息盼來年

來年欲  
館邗上

牛衣有客臺城路  
獨賣黃瓜古驛

邊

謂顧子翼楊雅倫  
二君教授里中

### 送清石師歸用秋柳韻

錄一

長亭黯淡愴離魂  
猶憶春風立雪門  
早日綠陰曾遠覆  
幾人青眼尙留痕  
展禽嬾食魯中邑  
陶令秋歸江上村

獻歲高枝定三起銘功魴鱖異時論時師方引疾歸

有感復詠秋柳四首錄二

深悔東風學舞衣江城漂泊事全非陽關別曲情如昨

太液恩波夢已稀

時不應禮部試

不與春旗同一色

余以不飲酒不吸鴉

片烟故不諧物

相逢秋燕讓先飛

以不諧物故事事居人後云

嚴霜若欲凋

絲鬢豈但生稊舊願違

鏡中禿鬢問誰憐市里閒居憶禁烟客子未歸眉斂抑  
姬人將遣淚連綿偶因殘月訝衰影縱有東風非少年  
剩得永豐坊下恨愴然相送柩車邊

元夕公讌後感懷

良辰何必憶家園清酒三巡禮數存聞說中台登力牧

言一  
定傳大將奪昆崙春燈萬點山城晚瑞雪連畦小市昏  
同泣去年弓劍墮橋頭雙鶴尙能言

板橋

青淮交匯板橋頭風景高梁局未收天半樓臺開夕市  
夜深簫鼓過中流繁華返復兩黃鵠人事漂零一白鷗  
莫怪杜陵遙痛哭千門蕭瑟曲江秋

西控梁山據上流東吳門戶奠金甌丹陽步道煩南顧  
胡墅江防戒北遊自昔士行傳運轂未應庾亮但登樓  
龍盤虎踞何由守深賴艤艫十萬艘

幕燕何知鐵鎖沈上游狂寇劇相侵項梁本有輕秦色  
宋義原無救趙心春曉長矛踞府寺夜深羸服遁山林

舊遭白髮嬾懷刺况覓朱門自鼓琴

懷古

兩陣殷勤勞苦時執冰士氣念鄉誼玩之股掌中軍帥

病入膏肓外宅兒五管三湘原接軫

兵與賊多楚粵人故每交綏而退

楚歌黎唱若爲思揭竿亡命須臾事只望臨淮命世姿  
內庫瓊林啟最先大農籌餉費迺適寶泉已紬三司議  
并稅依然數載蠲鹽筴書傳迷楚岸車緡算罷少吳船  
潢池赤子知恩否大帥殷勤試再宣

良吏難逢勝執戈人材求備欲如何武侯將略成功少  
黃霸勲名在郡多太守何嘗能射虎御人未必敢爲鶩  
時賢相士先趨走謾語才能盾鼻磨

擬諸將五首

作賊何人得白頭無如三戶苦勾留  
九探赤白皆烏合  
劍相雌雄只馬流  
司隸衣冠還楚楚  
國殤父老又赳赳  
衛青不及票姚勇  
虛擁金貂說運籌

獨任居然繼朔方  
屢傳吳楚失巖疆  
威名往日齊諸葛  
仁義於今學偃王  
退舍坐看臨晉渡  
吉行一任大梁亡  
成邱白骨天陰哭  
似怨東川用子璋

專征禮數最優崇  
五載能無尺寸功  
秣鞫高冠春設燕  
芙蓉洋藥夜吹笛  
三軍可奪無朱亥  
兩利俱存見蒯通  
借問故人操白簡  
可曾回首憶江東

四府無人任賊行  
數千餘里悞春耕  
西江州郡尊前列

東浙山川席下橫侍御匡時召納粟朝廷失計諱增兵  
流民更有憂葵意早晚全師潰鄴城

日費司農十萬金擲同虛牝尙非深雲帆漕轉師前軌  
淮海膏腴聽陸沈龍虎尊嚴猶抱郭豺狼嗥嘯尙如林  
側聞庾亮工遵養辜負窮簷望捷音

有感

景教流行信禍胎開山况借楚人材何辜鶉首眞分土  
不畏軒轅敢射臺蚌鷸恐貽番舶利蟲沙專待漢軍來  
江頭野老蒼茫泣諸將吟成亦可哀

一夜城邊橘樹刪賊濠鹿角互回環虎眞傳翼荆蠻眾  
馬敢論芻蕘將頑杖鉞惟知思趙卒

時帥非北  
兵至不戰

丸泥不



解閉秦關

長江一帶全無守禦

棘門壩上前朝事鼓角連年臥蔣

山

時帥營蔣山

妖民張角裹黃巾蟻聚蜂屯脅市人諸部酋官同拓跋

賊首皆曰大人

一時鴻號竊姚秦

賊自稱曰天王

未聞密時曾稱父

賊稱

天曰

始信臺駘本不神

賊毀折祠廟至盡

向寵性行均淑甚終

朝閉壁對城闌

搖落高梧鴻雁秋曉涼晞髮坐危樓祇知威楚思城濮

何日平吳賴益州天到龔生眞足弔福如嗣祖恐難修

勸君且莫悲蓬梗多恐言愁我更愁

獨立

雨晴春草欲侵階獨立蒼茫倚綠槐山接東廬盤極浦

城懸北斗抱清淮側身天地一悲嘯垂意古今生遠懷  
江左夷吾何處覓哀鴻滿眼費安排

張仁齋豐前贈香翁韻見投作此志謝兼呈徐柳

樵時讀山海經

蹄涔日祝絳虬騰

用郭氏山海經序

江浙名元有慧燈縱酒放

歌君盡俠袒衣乞食我如僧抗懷師說慙韓愈致禮時  
賢有庾冰願解綠鞵放鵬鶚青雲有路祝同登

錢忠懿王金塗塔墨

妙墨摹成窳堵工仁賢遙想浙西東早聞幢葆迎慈氏  
晚獻河山繼寶融笑看兒孫文物裏全消劫火甲兵中  
降王運命能如此生世何妨帝子宮

廣州光孝寺千佛鐵塔記

四恩八表屬詞莊蓮座森嚴壓上方見說列名書宦者  
只宜執挺長降王榕陰晝覆僧廊暗海氣晨蒸石蘚荒  
却賴小長蘆釣叟爲君雙塔記安詳

績谿北鄉石鶴山劉宋安成太守陳猛墓

陳武帝之曾祖也

林莽蒼茫石鶴幽土花遙憶六朝秋貽謀幸值梁承聖  
世系追書漢太邱想像生金尋墓碣幾曾刻玉護松楸  
萬安陵寢經行處一例荒涼牧豎遊

績溪太子廟後漢之楚王英也

丁巳

似傳絳節過崆峒玉兒迢然德氣充仙仗幾時參鶴籙

禁方無驗笑龍宮前朝鴻寶陳編碧故事房陵怨血紅  
若使正名逢魯史不教留恨問阿東

丁巳年在績溪作

積雨深巖老樹昏共攜笠屐到山樊炊烟繞竹方迷路  
江月隨潮不到門九日風霜肥蟹菊百年文物共琴尊  
時艱漫逞書生議任事人稀未易論

和杜秋興

高岡北望鬱崔嵬飛蓋橫笳卷地來漢帝至今思鉅鹿  
師臣何日畫雲臺外廷揖盜嚴城失中夜招魂野哭哀  
定有奇人在耕釣嚴徐終馬恐非才

僕射官傳往代型橫宮偏重子衿青承明待詔還辭賦

河北便宜豈孝經漢使但工巴蜀檄吳刀不見羽山腥  
儒生終日卑微管江上哀號未暇聽

夜半聞雞幸此曹深山嘯侶演弓刀翹材不啟宗臣貴  
廣武誰延幕府高置吏連章師子靜法官三殺笑皋陶  
坐談劉表終風雅尙解呼鷹首重搔

三吳才彥出金閨鐘鼎功名未敢齊唐室勁兵句注北  
漢家名將隴山西明駝空想飛書速熊耳終嫌解甲低  
何事冠軍尙高會大旗斜卷馬驕嘶

算縉裁賈竭紆籌誰爲司農借箸謀杼柚東人雖告病  
蝻蝗中夏更堪憂祠官牲璧嗟雲漢少府鹽銅失斗牛  
太息事機多坐誤伏波隨處總淹留

黃陵一役自云佳五百餘年禹跡乖喜說北流趨渤碣  
曾憂南戒合江淮河隄漫惜金錢利東郡行愁菱玉埋  
滄海靈帆憑轉漕聖朝從不吝官階

軍輸久困鄮侯賢佐國原知鼓鑄先蜀道縱虛三品貢  
永安漫改五銖錢見愁小市無鹽米合與豪家買管絃  
民俗更憂交子務鍾官珍重爲流傳

舊傳典屬用蘇卿胡事恩威撫八盟甥舅縱親回紇國  
豺狼恐啟契丹兵武功試補元戎爵文吏姑停喜起聲  
好覓朔方忠勇將高秋切莫會龍城

和杜懷古

漆書一卷與身存轉徙西州去里門孟冀周旋狂寇過

言一  
衛宏授受古文尊還歸碩果思三輔流亂棠華痛九原  
莫灑春令數行淚鹿車猶得自招魂

杜林

同是彬彬羨仲文不逢武達訴離羣坎軻悍婦殊猶臭  
寂寞名賢慕蕙芬狼孟署官無故友鴻門退處少新墳  
孝標莫便嗟秋草姜豹摧殘孰忍聞

劉峻

二男一女委荒塋天道人倫慘不勝垂死秦川悲寶盃  
相逢楚老感金陵賢王膝趙雖相愛佳夢熊羆已莫徵  
應對關河怨朱异小園暮雨掩寒燈

庾信

鄜州才住又秦州夔府成都汗漫遊垂老鄉關猶戰伐  
依人羈旅慣春秋天寒紫鳳衣顛倒雪夜黃精路阻修  
幸有故交嚴僕射能寬禮法共觥籌

杜甫

介然清節殿遺民絕壑冰霜不願春鳳閣親朋召弓乘  
驟車書卷歷燕秦死煩猶子蒸嘗奉交徧儒林學術醕  
壹惠與君堪共論平生縞帶少時人

顧絳

### 和杜諸將

獐獐雜種慣戈矛容管深山釀隱憂拔地萬峰圍鬱水  
插天一柱限交州文臣久乏韓雍武上將宜深馬援謀  
誰肯官衙爲傳舍半由成例半才猷

廣西此輩非大兵痛勦不爲功文

臣旣格定例又孱弱自知非其才不得已以爲傳舍所謂求參不得之官也

嶺嶠盤紆向北來重臣經略越王臺雲霞曉抱金銀氣  
虎豹宵藏杞梓材舟下涯關遙赴海崖深瀧水急奔雷  
任囂城外珊瑚網奔蹏非無罟駕才

廣東



宵占二卯玉衡閒阨塞何曾置八關營道知連萌渚嶠  
蒼梧方慘九疑山風雲八陣遲連率狔犴諸苗隔百蠻  
今日楚氛猶甚惡中原江左遍朱殷

湖南

四年強寇逋天誅昨報司徒復鄴都江上鯨鯢方築觀  
日邊圭組已分符移舟定自同陶侃閉壁何須學亞夫  
江漢上流形勝地幾時戈甲下東吳

湖北此  
諷楚師

激湍如箭嶺如簪擐甲儒生此駐驂九水會流彭浦北  
七閩保障信州南城從偃去人誰守地號彭亡戰不酣  
今日乾坤方用武重臣莫只戒狼貪

江西

深箐灌莽昔年刪一綫通塗萬仞山墨經誓師留右轄  
朱幡莅郡改南蠻縣同曲逆知增戶戍撤陰平不置關

只有子重數奔命旌旗翦領日回還

徽州此言張小浦

江淮睢汴貫清暉灞霍司空莽翠微票騎移營迴組練

沙陀鳴鏑下渦肥張遼昔有濡須戰朱瑾何時霸府歸

往日故人皆白骨國殤碧血滿漁磯

安慶此言僧耶平苗逆

軒轅臺下敢彎弓肩膊何時濺血紅愬武古通皆大帥

貔貅貔虎未成功法嚴九族鴟音革城墮三都雉堞空

寄語南征諸將佐麒麟閣在碧霄中

金陵此言向和二帥

揭竿宋亳極縱橫颺忽東西擾列城地控黃河通汝潁

天垂朱鳥妙權衡誤從法吏侈開網變豈潢池偶弄兵

漫說龔黃能德化奇瑜文燦盡專征

歸德此言捻匪

百年改土襲衣冠銅鼓銀釵奉漢官槃瓠子孫於犬近

鬼方風俗變夷難解仇深峒諸苗合傳咒精夫小寨殘  
諸葛攻心眞善戰暫憑文告報平安

貴州

### 憶岳莘潭蘇州

傷亂連年鬢髮斑三旬九食念君艱鄉閭曾共田橫島  
妻子還同士雅山彈鋏無人憐客邸吹簫何日過昭關  
百年縱傍要離冢華表終當化鶴還

### 有感

刑鼎刑書鑄最工養癰必患百年戎須知封豕長蛇毒  
盡產深山大澤中負杖自傷劉太尉築城反羨晉司空  
平生未悟瞿曇學第一慈悲意不同

### 有感

銜尾風帆渡夕曛  
柁樓南切蒜山雲  
三條漸欲江淮合  
一綫何嘗楚蜀分  
轉漕頗勞蕭相國  
屯田幸有趙將軍  
潞河彌望多阡陌  
誰繼賢王更策勲

悔翁詩鈔十一終

後學江甯張傳仁校字  
受業上元田曾

悔翁詩鈔十二

江甯汪士鐸

得華枚宗長卿書卻寄

庚戌

並世誰能識子雲  
禮賢况憶信陵君  
著書不意千秋遠  
談道終思十駕勤  
側目當途魚點額  
浩歌吾黨雁離羣  
昨傳萌渚烽烟急  
可要長卿諭蜀文

清石師遷邳州刺史  
非所好也先生舊牧高郵有

惠政至今思之

辛亥

當時驅馬白門樓  
尙厭河聲咽不流  
况是廉頗思趙卒  
幾時禹錫易連州  
十年棠蔭秦郵滿  
八月珠光璧社秋  
借問憐才諸大府  
可容竹馬迎并州

詩十二  
獨立

壞雲莽莽壓昇州鴻雁哀鳴野戍秋  
獨客呼燈寒照雨殘兵吹角夜登樓  
老懷苦憶琴書燼別淚常憂子女流  
聞說黃巾滿河北蒼茫獨立感山邱

過洞庭望岳陽樓有感

儼乘黃鵠上層阿挾兩飛仙共醉歌  
四塞際天懸日月三閭無地問鼃鼃  
豫章竹木通吳近巴蜀魚鹽下峽多  
欲借樓船北開府九閩高遠歎微波

蔣文若太守迎風甚厲宅牡丹

百朵奇葩直百金周張錦屋護瓊林  
門多車馬聲華甚春滿園亭富貴深  
妃子穠粧綠傅粉醉翁高晏未抽簪

自知老被花神笑桐帽棕鞋亦惠臨

黃鶴樓東眺

絕頂西風滿客襟江山盤鬱此高深十年長作新亭泣  
終日惟思正始音幸有延陵曾許劍吳木齋已無鮑叔與

分金

蔣文若新卒

登臨只作歸乎歎殘照啼鴉故國心

泉社春游圖學后山體

詞林丈人組已解東郭先生履未穿泉社共圖十日飲  
春城忽有萬家傳自來撰杖陪長德端賴從游足後賢  
鴻雪易消畫絹在定教好事憶今年

十年八月

輝輝南斗火星明七萃連宵潰富平絕徼河山開御幄



懿親周邵鎮神京深陵高岸人閒世后土皇天海上盟  
聞說論都有婁敬遺民洒涕望西征

重有感

平明稱蹕上之回校獵甘泉詔久裁復有妖氛能入斗  
可無上將肯登臺荒城古驛三家店落木寒蟬竟日哀  
我望紫宮迎法駕時危誰是出羣才

過桃樹嶺

嶺上嚴關戍角哀關前石級凍初開幾家蟻聚窮檐接  
一線螺旋左檐來落日長林噪虎豹寒天絕壑起風雷  
時危壯士誇長劍誰問摩崖作頌才

庚申十月將入關

三帥曾無翼戴謀逡巡王事竟貽羞井幹不厲刑神鉞  
華嶽空垂白帝旒秋老朔方雄鼓角雪消河曲貢琳球  
商君張相庸庸輩尙使秦人冠列侯

瓜沙

瓜沙驛路接乾齊目宿連天水滿隄元使尙能到星宿  
番民豈不望雲霓霜寒萬帳祁連北龍護雙旌弱水西  
除卻曾隨班定遠伊犁江上孰留題

漢家威信服天驕無那元戎鶴髮凋九姓北連昭武近  
四城南控月氏遙見愁貴種推和卓何日賢藩得義潮  
此是先朝耕牧地掄才定有霍嫖姚

宿遷道中

驅車西避霍嫖姚

時大軍  
赴浙

路繞河隄馬不驕地夾淮沂

多斥鹵山連鄒魯失岌岌徙薪計拙魚龍沸塞菱金多

盜賊消借問防秋諸謁者携菰終日聚官寮

時中興決  
口尙未合

龍

### 宿石佛寺

奔流出壩萬戈搗碎石驚沙一例降小市瓜蔬寒帶葉  
上方燈火夜銜窗秋深虎跡交林薄風急河聲撼佛幢  
拂拭琴書待明發不容歸夢渡邗江

### 辛酉登黃鶴樓舊址

獨上危城日幾回江頭野老忽增哀雷驚電掣龍飛去  
葦白菰青雁乍來朶殿五雲移帝座阿房一炬豈天災

漢家自有中興象莫憚黃金早築臺

鐵馬

鐵馬金戈萬帳屯天山南北屬烏孫已無鮑昱籌疏勒  
未見班超入玉門投袂功名蛇足戒合塋節義豹皮存  
空煩 宵旰增西顧準部鴟張未易論

胡文忠公祠

王戊

黃鵠樓傾長薜蘿文忠祠廟此巖阿千年仙客羽毛蛻  
一代勦臣戰伐多天遠江山自雄傑時艱平勃重調和  
信陵門下無他士不盡愁心偶浩歌

壬戌紀事

東瞻渤碣瑞雲紅帝眷殷勤邾郛同析木有津移蜃市

蓬萊無水徙龍宮星躔連璧祥新見樂奏鈞天曲欲終  
時宮保師傳語昆吾爭伯業好摩石鼓賦車攻病漸瘳也

有感 癸亥七月

溺後儒冠已不尊猶將媚骨責虞翻百年風俗伊川祭  
列郡人才廣武原端合青瑣歸社學漫隨朱履入侯門  
元和司馬休嗟怨小戶流亡幾室存

### 蕩節

蕩節遙隨使相騶銀鐙遠逮上書囚彈文竟坐金三品  
左券真憐鐵六州西極冰山歸夢杳南陬銀甲口碑優  
漢廷方重公孫策莫怪人輕萬戶侯

憶吳立生關中

梁園賓客久摧殘  
典盡貂裘旅舍寒  
負米遠遊秦內史  
籌兵請募漢材官  
徙戎江統陳書早  
糾黨張豺解甲難  
若憶危城防守苦  
將軍莫怨惠文冠

感友

聞說沙灘近翠微  
幾人網得魴魚肥  
江湖凍合龍蛇蟄  
草木陰深鷄雀飛  
壁上懸弓終有影  
隧中抱瓮始忘機  
何如竟上通天表  
定放梁朝沈炯歸

讀陳后山黃樓銘有感

突兀高樓頰太虛  
彭城萬姓免其魚  
競鑄樂石銘殊伐  
孰使坡門歎起予  
周鼓秦碑瞻氣象  
地輿天蓋轉紆徐  
瓣香一語君謙抑  
行義文章總弗如

鄭衛音傳七百春後生握槩逐聲塵卷簾一顧驚天帝  
辟舍三逃盡主臣海水橫流愁此日河源重到竟何人  
茅君儲子誇文選未識之而自有真

次韻惠元寺觀流球貢使歸國

高祠喬木靄晴暉畫角催人下翠微絕島冠裳朝正朔  
暮春桃李麗皇畿烟霾古壁龍蛇舞風引長旛鳥隼  
飛須識國家柔遠意滿隄新柳蔭征衣

漫興

癸亥

科頭跣足對滄洲思若長江無盡流古木荒苔生靜趣  
孤檠細雨動鄉愁已泯去住魚千里况是窮通貉一邱  
昨見捷書宣露布似聞李廣未封侯

自題撫鄂記

故鄉烽火未能還排比公文寄燕閒下筆幾人師涑水  
閉門何地不箕山學無學輩睢盱定材不材閒位置艱  
獨有枋頭多物忌局之老屋不教刪

劉孝然自陝歸漢上

征西書記本翩翩卻聘歸耕夢土田千歲茯苓饒晚節  
五更曷旦警春眠昆明舊是埋愁地鶉首難呼已醉天  
我更心傷小兒女全家音問阻秦川

寄懷慶友人

昔年聲價共南金豈以雲泥易夙心前輩本憂聞道晚  
吾徒休悔入山深高天厚地驚滄海清濟箕關近竹林



我倚征東羈幕府桓文勲業願從今

胡文忠公祠

岿巍傑閣俯城闔欲挽長江洗戰塵  
斬棘披荆成大厦吞吳平越失斯人  
雲中黃鵠那可見沙上白鷗誰與親  
我在信陵門下久不緣私誼已霑巾

召鶴軒

胡文忠公祠後茶肆也

砥柱荆揚得上游宗臣遺廟此山頭  
明時公亦如文士沒世人方儼武侯  
下界鯨鯢猶跋浪高城草木已先秋  
眼前風景殊寥廓何日新亭老淚收

贈查翼甫

鄂城落木氣蕭森冰玉追攜豁素襟  
異地河山生遠感

故家文物有遐心白雲無極樓頭鶴舊雨常來海上琴  
其師張君廉卿獻歲春風動幽壑清陰應復繼瓊林

嚴中丞

一封輶傳九霄來龍節曾霑御氣回似有徒洲誇楚語  
遂書思對出平臺河山指顧懸金印翰墨因緣賞玉杯  
只惜漢升無霸業宋州白骨不勝哀

寄內弟宗馥堂

亂離何地覘葭莩有姊先亡弟妹無長物隨身只鉛槧  
短衣浪跡滿江湖君才奚啻百斛鼎吾力原輸一匹雛  
莫爲鹽車思遠馭逢人輕與効馳驅

甲子中春蔣寅昉奉其太夫人南旋詩以誌喜

欲共桐江把釣竿忽傳歸櫂發  
郎官星明婺彩春暉永  
龍護瑤函海氣寒亂後故人宜  
賣藥天涯熱客漫彈冠  
高城日望南來雁告我凌虛五鳳丹

甘園牡丹

甲子三月

紅巾烽照楚江濱粉膩香融忽相親  
賃廡本無三宿戀  
灌畦何意十分春爲隣國色思金谷愧少清  
尊住畫輪  
厲方伯  
見訪  
莫話故鄉雙蠟屐九天鸞鳳尙風塵

甲子九月將返里門追悼包丈愼伯

憶共傳杯住節樓一時風誼重諸侯  
治河不信惟三策  
論學誰知備九流同病久憐江上女  
倦遊今羨水邊軀  
歸兮應悵山陽笛况復桓譚亦白頭

甲子九月七日得王子壽詩卻寄

郎官湖畔艤歸舟正儼雙魚寄硤州卻枉高歌傳白雪  
更能記里到黃牛十年虎穴磨牙後一代龍門禮士優  
若問故人東去意芒鞋冒雨訪松楸

感悼

破帆乘夜過揚關自媿勞薪未得閒授簡浪誇梁苑雪  
挽車孤負灞陵山客中臥病聞牛吼市上吹簫羨鳥還  
今日敝廬重徙倚卅年地下歎愁顏

衰翁不醉亦如泥夢朵薜蘿見故妻命薄遇人何善惡  
家貧溝水自東西紡磚累結生前恨荆布空留死後啼  
渴葬荒原齋奠闕一坏黃土慘棠梨

詩十一  
八  
甲子十月歸里

上相飛書出梓鄉  
凌晨擊楫下潯陽  
一千年外初歸鶴  
三百羣中最後羊  
幸有朱門容鼓瑟  
可堪白髮更臨觴  
尊前無限河山感  
不忍荒田話老桑

寄程汝鈞皖城

不爲成虧罷鼓琴  
江城東望每沾襟  
關河搖落生機薄  
桑梓腥羶戰氣深  
芳草亦殷三徑望  
寒燈久負百年心  
自知桃梗終漂泊  
聊借飛鴻寄遠音

歸家

千里歸來戰壘平  
郊原白骨尙縱橫  
蒼茫落日搔蓬鬢  
嗚咽寒潮打石城  
道德文章方不朽  
山林市井豈同盟

側身天地吾廬在齏粥何妨了此生

懷齊撫閩丹初先生

虎嘯龍爭起戰塵始知管葛有經綸江河難挽逶迤濁  
霜雪終成醞釀春藥籠濫充千里骨竹林私祀九分人  
陶家松菊同荒廢望岱陰齊一惋神

懷汪介堂處士

閉戶湖湘每憶君又從尺素讀鴻文春秋宣榭災方見  
南北甘陵黨漫分亂世高人託龜筮空山羈旅總雞羣  
莫悲寄食依亭長多恐終爲出岫雲

送楊見山

江上論交孫楚樓忽傳彩筆入荊州蒼梧朱鳥揚舲賦

堯典皋謨借箸籌馬骨頻頻千里致蛾眉莫使六宮羞  
杏林春色爲君盼始信金眸脫錦鞵

同里後鄰人九日召飲

喜共妻孥近故園逢君召我上高原百年未死親朋盡  
三徑雖荒松菊存地異山陽偏弄笛人來彭澤與開尊  
坐客李令自江西來夢華小錄眞淒絕桃梗飄零那足論

朱秋園同年

潦倒琴書髮久斑一登仕版豈能還行年七十誰推轂  
削牘三千尙抱關陽羨田腴思置宅淮南桂發未回山  
勸君拂拭懷中刺子弟屏風隔二班  
君子姪皆新得分發同省

自悼

非文非武復非商游戲朱門託楚狂故友綈袍方卒歲  
盛旭人方伯蔣文若太守嚴元勳書幣約還鄉  
渭春中丞在鄂皆蒙其周給  
曾文正公妻  
孥何幸歸臣里兒女前時賦國殤一桁敝衣千斛淚旁  
人漫比魯靈光

### 邢子膺大令

俯仰精臺本強顏持籌何意綴鴛班爲周易學京焦後  
評古文詞籍提閒八口朝飢惟飲水一行作吏驟還山  
皖雲不遠無鱗羽倦翮經年想已還

### 或言與吾同名者戲荅之

江東窮獨老迂儒言論拘墟計畫疎劍術旣慚魯句踐  
文章遠慕馬相如東風寒食墓韓句西岳豐碑仿蔡書



若以同名稽列史亦殊忠佞不相於

謝程汝鈞惠茶

倦客支頤病漸差開門劇喜餉新茶微於蟲臂生天地  
累過猪肝快齒牙別者五年三徙宅歸兮十度九停車  
歲寒一棹思相見想有疎梅冷作花

乙丑六月十六日

去年此日慶更生盡築鯨鯢下省城伐罪江南曹武惠  
尋師濟北漢文成河山縱錫勳臣報伏臘終牽父老情  
何況隍中尙鼙鼓未知曾否起營平

憶閻丹初先生

公忠深結九重知司馬司空印遞辭吏道山東傳治譜

清名河北仰人師苦期學案綿關洛細與生徒定禮儀  
卻憶楚藩風月夕篝燈閒話課文時

公奏復張呂  
關中舊學

### 憶倪豹岑太守

轅門春靜曳長裾能使山公歎起予六法冠時閒作畫

十年通籍尙傭書

君王子  
庶常

易占飛遞深相近詩誦踴駘

愧不如近說睢漳資保障

今爲荆  
州太守

上游鎖鑰賴吾儒

君  
參

嚴渭春中丞  
軍事最久

### 憶李佛生觀察

蕭然獨抱伯牙琴次律而還孰賞音未必謗書眞滿篋  
忽過官計遂抽簪勳階雖中二千石奉賜才贏五百金  
圖史齎鹽同一舫定聞鸞鳳嘯空林

憶汪維城刺史

宦海源流本嬾尋，惟知飼鶴與調琴。  
政留蒲邑人稱善，水溢麻湖竈未沈。  
漢法力行真掣肘，楚師不競更焦心。  
還山麋鹿談何易，要借甘棠一片陰。  
君辭官詞云與其若爲還山之猿鶴，蓋方以松滋水患卓異也。

憶朱石川大令

誰將薏苡作明珠，驚獄連年事有無。  
共頌能官賢令尹，忽稱識字老農夫。  
清查一洗池魚累，明詔爲申市虎誣。  
卽見垂虹繫歸艇，秋江烟雨夢鴛湖。  
君浙人爲同官所忌，有白其誣者始放還。

憶王子壽比部

文章氣節冠當時  
讜論嶒嶸海內知  
釋褐勇辭司寇祿  
上書特荷  
聖人慈臯魚至性  
憂風木魯女微詞託露  
葵借問白螺磯下路  
幾人載酒大宗師  
君有麥室吟稿憂時作也家在白螺磯之下時方主漳南書院

### 憶田獻之明府

堂前松竹昔賢留  
官解書齋景儘幽  
出宰幸逢山水縣  
臨財恐作子孫憂  
嬾催租稅稱田畯  
屢借衣冠見督郵  
九等難民  
余自號也  
最顛沛託君仁宇得優游

### 憶唐魯泉明府

從容罵賊山城外  
一紙家書並就焚  
幸有韓階營毅魄

君殉難祁門河中亂定尸多不可辨  
更逢李漢  
愚亭錄

君客錢唐許益齋以君元綴褲識之  
朱古齋

遺文催科撫字無全考易義立言識舊聞大鳥臨危輸  
小雀申屠慷慨定呼君

趙伯駒滕王閣卷子

今藏翁  
鍊某處

滕王高閣頰城闔湖漢遨遊尊俎新樓觀已燼數千里  
丹青流照七百春西山南浦自清美晉楷

祝枝  
山字唐文  
書

王勃  
序

尤嶙峋系曰一卷併三絕佳哉孫君其固珍

追哭顧子巽

泰山華嶽竦孤立蚓竅蠅聲不可聞海內風塵資遠識  
胸中芒角發奇文如何如何今至此古人古人乃到君  
老死天涯一洒淚生平同不埒青雲

弔何子貞

儒林道學其純修老厭承明作遠遊舊德三朝成大隱  
高名四海仰清流冠彈柱下繩愆正中漉筵前酒德優  
回憶慈仁古松下昔年酬唱絕朋儔

石舟願  
船朴生

### 送左清石師引退

攀轅無計遣孤寒夜半乘潮過急灘尚有俠腸憐下士  
不妨強項對同官拂衣江海孤蹤遠脫屣簪裾一笑看  
多恐蒲輪隨漢詔赤松未許久盤桓

琴堂歲歲飲廉泉引退翻居卓異先

將舉  
卓異

歸去尙無三

畝宅幾人眞泛五湖船載書聊復充家具賣賦應能給  
酒錢箬笠筇鞋閒訪道忘機久到海鷗邊

非緣松菊久荒涼欲著斑衣奉北堂漫比庚桑居畏壘

言二  
三  
那關汲黯薄淮陽鯉庭夜課雙珠秀雀舫春行七澤香  
聞說祝融峯最好不須朱邑戀桐鄉

俯視烟雲萬彙空重才真與古人同  
體髀屢試屠牛巧牝牡尤推相馬工  
南國風騷傳宋玉西京循吏繼文翁  
白頭弟子知忠悃願向東山起謝公

梅翁詩鈔十二終

後學  
合肥張席珍校字

宿松熊佐虞

梅翁詩鈔十三

江甯汪士鐸

十哀

梅郎中伯言

提攜姚管軼陳方文衍桐城一派長後二十年傳絕業  
比三百石異中郎詩才飽擷書城秀儷語勤熏選體香  
白首歸來喪亂裡一棺旅邸更蒼涼姚梅管同陳用光方東樹皆姚氏弟  
子也君年十九學于姚門後卒於淮上

金明經偉軍

鄉校雄談仰霸才繡春園裡共傳杯

商邑志事

坦懷待我真

三益古誼思君賦八哀文學重刊風土記

時邑人刊君著金陵待徵



錄

詩僧邀住雨花臺采繁橋北荒榛滿無復侯芭載酒來

蔡主政子涵

杏花時節客長安

時赴禮部試

驚亂南旋旅店寒豫讓漆身

人莫識壽昌尋母事尤難

君易丐服入城負母出

纔嗟薄宦同孤

梗倏累衰年痛兩棺

君夫婦同卒

白髮青裙倚閭望刊君遺

集涕洟瀾

君母刊其遺詩

陳孝廉理堂

偉識匡時計更奇漫將張角比潢池乞師宜赴唐回紇

散黨先降漢赤眉

君以武備太弱請當塗乞師外藩並先以重幣召降湖南北助賊者幸

有故人堪寄子逆知文吏必興尸

正月八日君以子出寄北塘周孝廉次薇

圍城未破捐軀早

君於賊至  
卽自經

誰謂書生見事遲

### 譚茂才石耕

書肆何能望洛陽忽然莊語忽佯狂  
人間良驥皆芻狗舍下雄雞盡鳳皇  
醉後大聲偁殺賊夢中飲泣尙呼孃  
吳王舊府荒陂水定有烏鳶飽俠腸

### 童茂才雨叔

短足長須老秃翁醉酣潑墨維青紅  
偶爲草木開生面悔與熙筌作替工  
剪燭留賓深巷雨傭書將母小樓風  
益中無粟床無被劇賊逢君亦歎窮

### 張茂才次淮

衣裳百結若懸鶉井臼縫紉盡自親  
拏寄北塘才一頁

詩如東野後千春送窮文短難驅鬼避責臺高轉近人  
昨夜賊灰牛首塔尋君行徧大河濱

高上舍朋先

飲露餐霞與眾殊頗嗟珊網有遺珠爲秦贅壻英年過  
若薛居州善士無搔首窮愁惟婦子羨人歸計滿江湖  
北門雨雪留荒戍生死何人恤趙孤

王布衣武先

兄爲良賈弟寒儒在舍炊爨出借車八九子生秦氏樹  
君贅秦氏十三行賣晉賢書送人作郡期餘瀝投刺無門屢  
僦居辛苦南歸淮水碧憑高垂涕盡邱墟

家布衣松崖

布衣忠烈動風雲擔飯烹葵餉義軍北郭友生甘逆命  
要離妻子慘同焚城甫陷君與比鄰李松滋及王某共十一口於十三日舉火自焚死酒  
壚久愧高門祝巾笥難尋誓墓文誰賦國殤能獻弔寒  
蛩冷月若思君

贈別汪梅軒鏡清赴燕復之秦中

席帽疲驢佩蒯緌北遊不遇復西遊里中兒女留孤憤  
關外弓刀動旅愁誰爲清流籌廣廈獨持偉論重邊樓  
年來頗悔尋梅約未尼三溪一葉舟君云谿橋雪霽野梅正開謹掃羅徑已辭館將行也

客談三官堂往事

誰泥鬼神元一語塑爲天地水三官丹青不見朱繇筆

黜堊新營太乙壇遂有高軒來月殿遙傳曲晏尙星冠  
道流以羽衣侑酒可憐風雨元都觀種得桃花一夕殘

呂祖閣

誰看飛劍下空山竹樹同環未許刪幻跡盡生流俗口  
仙心恐在沈寥閒遙岑雪試龍公手秘殿烟迷雉子斑  
良夕嚴城應下鑰王孫醉臥不須還

四聖堂

誰呈符命媚楓宸復伴崔祠祀四真瑞紀龍交同漢史  
義援羊字託詩人狼弧并鉞森神御鏡殿珠簾聚酒民  
七百載來南渡事高靈劫火了無塵

洞神宮道士全真教也

誰探月窟與天根勤儉分明得道原獨爲老聃傳正法  
更因女几動儒門牲醪利益無人鬼花石經營亦子孫  
此是五千言大誼漫談妖異惑元元

### 朝天宮許靖事

誰將神部朝儀地別構眞仙正乙祠綺閣風流唐後主  
綠章齋醮寇謙之花閒蜂蝶偷窺後室裡魚龍雜戲時  
昨夜雷霆下霄漢分明飛電戮蛟螭

### 隱仙庵王朴山

誰勤小築翠岩邊灌木森沈起夕烟叢桂滿山留小隱  
焦桐一曲動高賢

姚惜抱先生

雪鴻久逝清游跡笙鶴聊憑

好事傳

近日頗有笑談

丹竈不留藥苗老未妨蓬島有詩仙

王子壽比部

樞庭才識孰能齊  
曾向漳南羨鳳兮  
學道余慚樓上下  
卜居君許灤東西  
百年命惜童烏短  
千里行因老驥稽  
遙望白螺磯畔路  
束芻難致楚雲低

羅忠節澤南

礮車如沸劍鋒寒  
破賊非難講學難  
授命危城悲後死  
教忠新廟感同官  
遺書徧刻孤兒社  
高足班升上將壇  
俎豆干戈無異用  
文成忠武兩儒冠

追悼陳純齋

全士

欽奇豪氣未能除  
刊落浮華溯太初  
並世我欣聞偉論  
異時人定覓遺書  
七年薄宦曾驚座  
八十衰親尙倚闌

有客望都城下過士民流涕說縣魚

思三女

寒門憔悴存斯女八十衰翁淚暗彈  
新故四時成代謝恩仇兩姓各悲歡  
病深臟腑能生少誼屬倫常作達難  
誰注范書馮衍傳漫云好古不曾觀

名園

名園花石壓城闌紫紫紅紅雨後新  
池館六年三易主親朋十姓九無人  
昨朝小隊停征騎竟夕華堂動舞塵  
只有珠簾雙燕子慣看賓客總朱輪

儒生

儒生好古惜秦灰時會於今更可哀  
心怯衰年增已感



身經多難急人才泥沙日向江河積風氣新隨土地開  
行到小輪最卑點鴻鈞何計轉初來

聚奎樓有感

誰割鍾山作畫屏曉雲片片帶龍腥金絲入座秋穿牖  
魁斗當簷夜聚星地鄰文廟貢院時方鄉試故云見說虎狼瞰甌脫東臺灣西南孟何時騏驥出郊垌臨風不盡賢才感祝拔卯俱有夷患  
英雄佐大庭

漫與

閉門種樹息諸緣烏笠鴉鋤荷一肩各有是非殊彼此  
漫疑謠詠徧人天莫齡行樂餘茶社歉歲無征只硯田  
說與簷前兩鸚鵡憑渠歌哭我高眠

悼嚴渭春中丞

清操幹局若爲隣丹旄西歸不厭貧能使貪殘皆屏跡  
要令天下有斯人一朝徧薦中朝彥公薦賢二十餘人三黜終  
完不朽身漫與時賢怪隨陸公三以不知兵罷年來桂管已無  
塵

弔王子壽比部

螺磯屢欲結芳隣無那簞瓢境太貧亂世我期依孝子  
孤忠君每託詩人文壇甲乙知名士時人戲呼君爲名士經紀祠祿  
君主漳南書院東西學道身早日商瞿常見慰童烏忽已化黃  
塵君少子信甫忽天

弔何太史子貞

酒德溫溫孰比鄰魚飧一器久忘貧文章行義絕時輩  
嫉惡好賢真古人篆籀形留三寸管龍蛇識掩百年身  
卽今名姓滿天下未信元規尙有塵

鳳陽

麗譙南北峙高城馬上塗山撲面迎天遣厖狐留禹跡  
人傳唳鶴走秦兵時清戍卒緣幢戲春煖農夫佩劍耕  
此是東南要領地威名憑仗亞夫營

懷葉金甫都中

相約柴車共入關樊籬倦羽最先還論交洛下東西屋  
招隱淮南大小山差喜朱門粲許授可憐青鏡髮俱斑  
長安市上黃塵足珍重儒冠舊日顏

同廟會館之  
四大名山屋

題程也園吏部盾磨墨圖

胭脂坡下擁貂裘小史如雲護紫輶  
早歲才名三大禮平生交際五諸侯  
銓曹說士當堂注樞相虛懷借箸籌  
朝罷有誰供退直宣和坊裏鈿筵簇

銀釵擊鼓聚羣蠻荒峒深箐拒漢官  
匹馬遠隨卿月出連營何意將星寒  
空山雨黑狐鳴急廢驛苔多虎跡殘  
獨護麟符和蕩節五千里外返長安

謂福郡王

投簪卅九氣縱橫養志家山出處明  
肯散金錢憐國士不留債券傲齊卿  
陳遵累有扃門飲王粲常勞倒屣迎  
我恨遲公三十載空瞻翠墨想平生

一時冠蓋走朱輪刊上吳趨日日春  
東去銅山連海島

南來珠舶狎鯨人老懷欲訪三衣衲瘴氣長埋七尺身  
曾共信陵賓客話爲公俯仰一傷神

公奉命之日本購銅

### 周小農笠屐圖

故人座上久知名

張君容園

大障山高意氣傾能識古文劉

貢父共推詞賦庾蘭成論交香火通三竺

六舟師

入室丹

黃敵百城今日披圖見丰采相於車笠訂新盟

### 送周縵雲先生歸苕川養親

己巳上元

講樹穠陰五載成蚤春打漿數歸程千門鐙火紅連驛  
一路湖山綠到城故實梓鄉多彩筆新詩蘭譜補瑤笙  
板輿隨侍經行處指點家園孝筍生

### 甘建侯江上春歸圖

鶯花旖旎滿淮陰料理琴書罷越吟芸案丹鉛江表遠  
蘭陔歲月里門深鵬程終展高雲翼翟第新酬寸草心  
知有故園松石在相期豈獨伯牙琴

偶成

藍縷牛衣亦可人莫孤石火百年身緣無駿馬方求骨  
豈有靈犀不辟塵博望仙槎通斗極公孫高閣逼星辰  
龍門壺口尋常路齒冷人閒最要津

新作江甯府學

冠山架壑聚般倅高殿齊雲翼赤墀七代師儒新俎豆  
百年文物舊官儀閣臨太乙繙經便今爲書局廟易玄元問

禮遲

故爲老子廟

今日猶龍成末法不同魯壁有金絲

送某人 觀之作

九霄威鳳景雲興放逐真如退院僧去國賈生緣痛哭  
辭官陶令漫多能晴過岱嶽朝看日寒宿滹沱夜踏冰  
猶戀承明好廬舍至今昔昔夢觚棱

壬申歲上元觀燈

以下  
壬申

瓊樹生花萬點飄金吾撤仗慶元宵重輪月映鰲山頂  
百尺虹聯鵲渚橋競說西王眞獻玉未妨羸女爲吹簫  
江東歲醑昇平酒卻祝羌人劍戟銷

正月二十日白香山生日孫琴西觀察召祀公於

莫愁湖上

舊傳讜論滿鑾坡管領湖山足醉歌早歲雞林詩價貴

晚來龍樹法緣多  
琴尊幸有高賢接  
香火無如曠代何  
我願續公新樂府  
勝棋樓下伴漁蓑

聞陳厚卿自滬上歸談和約事

昨聞槎客返蓬廬  
卻恨當關誤魯魚  
小吏抱文分屬國  
大夫握槩較蠻書  
青山我誓埋愁久  
白首君知涉世疎  
舊雨重逢雖落拓  
莫嫌村酒啖園蔬

皇仁柔遠及蠻荒  
奇技何嘗入尙方  
絕島市廛來蜃氣  
古人竹帛重龍驤  
西王入貢宜占月  
北海能超更履霜  
辛苦漢家大都護  
只將玉帛賦承筐

戲題

烏鳶螻蟻任追尋  
蘆葦桐棺亦素心  
得死已非凶短折



閱人況感去來今山連茅蔣佳城近歲在龍蛇吉語深  
今年太歲始壬申也且喜連宵寒露重重黃菊定能簪

### 碧玉

碧玉搔頭翠鳳皇眾人指內家裝神君舊是分香伎  
宛若新傳祀竈方昨使陳王驚洛浦遂教名士豔高唐  
長門尙待千金買莫便爲雲侍楚襄

### 曾文正公小象

已上清都侍冕旒黃河泰岱氣常留盟心管葛同吹映  
唾手荆揚賴借籌百世幸瞻威鳳彩十年辱與海鷗游  
江南共有西州感况溯流風未阻修

### 淡水某司馬雲帆渡海圖

代

使君萬里浣征塵  
卉服如看上古人  
海抱石城餘鳥語  
潮低沙埔指鯤身  
六條定布台中教  
半刺能生域外春  
早晚漢廷思賈傅  
縣知桐邑念深仁

與胡嘉言談雞翁關往事

曾訪鄉人自往還  
竹簷輕簡過車斑  
烟中聲咽譙樓角  
雪後人耕峻阪山  
路繞深箐饒虎跡  
邨經劇寇閉雞關  
天然絕險無爲守  
空對危城恤後艱

性卽理

遠近分明性習差  
鄒山忽有異軍譁  
釋名誤等周人璞  
解字虛同漢上槎  
辯士蘇張新樣錦  
宗門粲可別枝花  
子臣弟友吾儒業  
祖祧於今判兩家

十二月初二日

釋菜春秋拜孔顏當時只附小儒班持齊物論蛇蝎外  
作信天翁虎豹聞同彼百川徒望海悔余九仞未爲山  
白鷗此後烟波濶鳩鷃何勞共往還

送孫琴西廉使入覲卽謝其酒肉之惠

江城曉霽雪初殘菊釀蘭熏慰歲寒處士四星依斗極  
大夫五傳入長安北門重訪鵷鴻翼南國聊栽獬豸冠  
卽日漢廷索臯尹愛才知不歎才難

觚棱新靄滿皇都重訪承明御柳無三殿近光瞻日  
月十年去國夢江湖治經能決春秋獄述職惟陳益稷  
譙幸爲吳民言疾苦當筵不敢唱驪駒

贈張春陔侍御

青邱邪迤纏斗杓幸有彼美調簫韶春秋之義內諸夏  
諫議所言尊本朝何十九人甘碌碌奈六七聖今遙遙  
宜都山水楚國奧采蘭飲水懸一瓢

送孫琴西觀察之官皖江

春郊祖帳且從容先向賓筵束帶從觴豆齒蒙推犬馬  
文章望久屬夔龍觚棱再仰星雲近灑霍重邀雨露濃  
遙識柏臺清燕日雅談應憶後凋松

談轅

談藝休謙大小巫爲君剪燭削繁蕪自來黃雀機心息  
况對滄江塵事無賤子文難垂竹帛故人命久致菰蒲

書丹刻石千秋計敢使重泉怨諾逋

有感

先清吳越次燕齊極目嘉禾並畝棲南望黎陽休捧土  
東瞻函谷已封泥萬牛難挽河流北一鶚高翔斗柄西  
聞說 至尊猶躋堙井中玉檢漫標題

癸酉五月四日紀夢

誰何作伴過苔磯二客支離泯是非仍忍饑寒甘守拙  
譬當羈旅卻思歸僖公吳母居停主破帽塵衫杜德機  
日色無光風栗颼無端莽草掛褰衣

題莫子偲影山草堂圖

送君丹旆返松楸今又披圖憶舊遊陵谷變遷餘翰墨

人琴悲哽總山邱十年故絹鴻留跡二頃荒田鶴未謀  
能讀楹書喜賢子一編珍重海東頭

憶范西民太守

漏網鰥魚幸再逢

西民自稱

入山情比出山濃

君不就德安知府

無

衣衲具疑儒墨說冠昏喪備禮容同學維摩經後女

黃氏

女與君同門

飯心洱海寺前松

君滇籍家寺前

人間難醒惟塵夢君

近招魂第幾重

鷓鴣

問余何事喜南征青草湖西瘴不輕竹嶺路幽人欲絕  
窄橋水急雨初晴華筵乍聽新詞調蠻語先移北客情  
避世我方覓溪峒勸君莫惜短長聲

讀吳木齋同年所贈日知錄集釋

沈沈遠析雜風陰  
敲枕閒聽隔砧砧  
高樹有聲疑雨至  
小窗無夢掩燈深  
拙謀翻羨傳衣衲  
舊事虛辜掛劍心  
聞說郎君繼清白  
不須撫卷感人琴

曾九帥改撫山西

投戈講藝似書生  
焚玉旋攀海若驚  
望裏山河改秋色  
月也時八遂令草木識威名  
東垂近輔三垣曜  
西顧新增萬里城  
遙仰五臺巡幸路  
晉陽未必遜中京

聞劉恭甫再中副車

班荆邗上切劘時  
道義交深海內知  
我已一編終老屋  
君今三世號經師  
文章舊價連城璧  
伯叔君與弟貴曾字良甫同年

副榜同懷博浪椎長記鄉閭何侍御霜蹄轉眼到天池何桂芬新甫亦兩次副車後入詞館

### 有感左侯相言引年

都護雍容萬里行高昌鄯善各爭迎朱旛近始臨疏勒  
黃石應遲祀穀城獻令四方湯右相出關兩道漢西京  
明駝駿馬秋方健駿格摩崖待紀名

### 有感閩中九龍山事

狂寇遺燄伏草萊川閩置驛歲千回吞舟漏網雖前記  
篝火書丹釀後灾良史苦傳賢尹跡幻人恐自悅般來  
諸公競博慈祥譽卻累他年撥亂才

### 七省海防圖



言二二  
析木津通粵與燕欲緣鰲足絡山川詩書縱議古人拙  
文質終疑末俗偏中外曷殊戎夏索東西夷奉漢唐年  
舊傳豪俠才三戶况復齊州九點烟

賀孫琴西開藩湖北

絳節朱轡謁帝闈遂騎黃鶴住江津論才於古得一  
石好士如公無幾人燕雀自應依大廈烟波終是懼勞  
薪舊游不盡雞豚戀知錫荆襄萬戶春

赤雅

山繞南荒塞四維思州風土雜然疑抱琴始信逃儒早  
辟地無如走越奇篆甲剝丁地名殊禹跡金花狝草尙殷  
遺後賢漫羨雲娘豔恐託諏隅寄所思

題翁鐵梅藏趙子實作炊圖詩冊

子實金陵人圖作於隆慶六年

杜鰾丁庖共發醅三隅行竈亦詩材  
乞從薄社災前火留作昆池劫後灰  
酒肆五君無主客蓺林百世護風雷  
平生不與南皮燕未見高賢負鼎來

趙粹甫

佑宸

太守餽炭金

孟飢酸薺苟自全捶鉤今已迫衰年  
恆暘南畝愁

不雨逾五

月餘無麥投隙西戎解刺船

時防春於金州海之大連灣

泝滌紕人新

鬻技

時贈百金

須陀洹果抵生天貴游且莫侈豪盛  
試讀蒙

莊第二篇

題洪琴西都轉冰天春霽圖

上谷風沙駁薜斑枕戈夕夕戍秦關  
春回萬井瞻金闕

雪擁諸峯聳玉環才喜文翁開石室忽傳謝眺臥青山  
羣公側席思賢佐多恐閒雲不久還

駟馬成羣五色斑一鞭初日度嚴關塞翁祖帳青衿集  
關尹迎門紫氣環遽有鳳鸞思假翼適令猿鶴早回山  
孤松偃蹇臥幽壑亦遇歸雲偶往還

悔翁詩鈔十三

終

後學江甯

陳作霖  
葉文翰

校字